

Filmi keda rodelape azili ki Švedia

Akate isi filmia tuke so rodindžan azili ki Švedia.

Tu šaj te dikhe dešuduj filmia taro o razlikane korakia ki azileskiri procedura. Ko misal, jekh filmi sikavela sar džala ki azileskiri istraga. Isto o filmia informirinena bašo avera buča so tane šukar te džanenpe dok sian azilanti ki Švedia.

1C Azilsko pučibe (azilsko intervju)

1C - 01

Ko azilsko pučibe (azilsko intervju) tu ka ove intervjurimo taro jek asistenti. Tumači ka ovel tut othe da bi tu te šaj te haljove. Ako isi tut jek javno branitelji (advokati) šaj ov ja oj te ovel othe. O advokati tano jek manuš kova so isi le pravno obrazovanje hem tano odothe da bi te šaj pomožini tut. Sarine so lena than odothe ko sastanko nasminena nikase javerenge te vakeren so vakerdžape maškar o tumende.

1C - 02

But tano važno te ove ko azilsko pučibe (intervju). Odothe tano odova kote so tu ka vakere o razlog sose tu rodeja azili ki Švedska. Nasamo te objasnine sar tani situacija ki tli phuv kotar so aveja. But i važno te vakere so ulo (slučindža pes) tuke lično, hem savo rizik ka ovel tut ako iraneja čhere. Odova so ka vakere ka odlučini dali tu ka šaj te ačhove ki Švedska.

1C - 03

O manuš so ka intervjuirinel ka pučel but pučiba, hem disave buča ka oven phare te vakeren pes. Ako o slučaj tano asavko, but ka ovel šukar te vakere. Tu ka dobine pučiba koj sijan hem kotar tu aveja. Tu šaj isto te objasnine soja tu aljan ki Švedska, so doživindžan hem sose tu našti te irane ki tli phuv.

1C - 04

Tu ka de tle lična dokumentija da bi te sikave ko sijan tu. Ako nane tut lična dokumentija tegani ka šaj te čere javera dokumentija kola so ka pomožinen tut te dokažine tli pričina.

1C - 05

O čhave šaj te ovel len olengoro posebno razlog azileske ki Švedska. Dajek puti ka mangel o asistenti te kerel lafi korkori e čhaveja so rodela azili, tegani tu sar roditelji šaj te odlučine dali odova tano šukar. Sa e čhaven isiljien pravo te keren lafi e asistenteja ako ola mangena.

1D – Grupno informacija

1D – 01

I recepcija ka bičavel tuke lil so ka vakere tuke keda te ave ki grupno informacija.

1D - 02

Keda tu ka ave, ka dobine tu važno informacija kotar o zakonija, hem kotar ustanove hem organizacije kola tane odothe te pomožinen e manšen.

1D - 03

Ki grupno informacija tu ka šune bašo o živibasere uslovija, pare hem o zdravstvo. Tu isto ka dobine informacija sar džla o azilsko proces ki Švedska. Odova i but važno informacija so tuke ka valjani dži kote adžikereja tlo odgovor kotar tlo slučaj, odoleske šukar ka ovel tu te le than ko akaja grupno informacija. Ko grupno sastanko, ka ovel tumači ki tumari čhib.

1E - Odluka

1E - 01

Keda e Migraciakoro zavodi andža i odluka, tu ka dobine jek ka ove vikimo ko jek sastanko ko prihvatno centar.

1E - 02

Ko sastanko tu ka džane savi odluka tani andi ko to slučaj hem so odova ka značini tuke.

1E - 03

I odluka šaj te ovel ja ka ačhove ja na ka dža tuke.

1E - 04

Ako tano o odgovor ja tegani tut ka ovel tut pravo te živine hem te čere buti ki Švedska.

1E - 05

Ako o odgovor tano na, isi tut duj alternative:

1E - 06

Tu šaj te prihvatine i odluka, hem te počminen te planirinen sar ka irane tut čhere. E Migraciakoro zavodi ka pomožini tut tle iranibaja ki tli phuv.

1E - 07

Ako tu mislineja so oljengi odluka tani pogrešno, tegani isi tut pravo ki žalba. Keda tu ka žaline tut tegani e Migracakoro sudo ka anel odluka dali o Migraciono zavodi andža pravo odluka. Tlo advokati ka pomožini tut hem ka podržini tut. Ako palem tu nasijan zadovoljno kotar odova da sudo tegani šaj te žaljinen tut ko pobaro sudo bašo o azilanska pučiba

Pare

2 - 01

Ako tu našti te čere buti ja palem nane tut pare, šaj tu te rode pomoč.

2 - 02

I financisko pomoč (o pare) šaj učharel o potrebe bašo hajbe, šeja hem lična troškija.

2 - 03

Ako isi tut disave specialna potrebe, tu šaj te rode te den tut dodatno pomoč.

2 - 04

But i važno te prijavine ke Migracakoro zavodi ako tli ekonomikani situacija smenindža pes, sar na primer ke khudžan ki buti. Ako tu na informirineja e zavode, tegani šaj te dolel tut o zakoni hem te dobine kazna.

2 - 05

Tle pare so avena kotar e Migraciakoro zavodi ka aven tumenge ki kartica. Tu ka šaj akale karticaja te platine ko sa o thana so prifatina Maestros-kartice.

2 - 06

Ked tu ka dobine tli kartica tu ka dobine hem jek štare brojengoro kodi (PIN kod) so tu ka valjani te pišine svako puti keda tu ka upotrebine i kartica. Ma muk nekas javere manuše te dikhel tlo kodi. O broja čitina pes kotar i levo stana ki desno.

2 - 07

Tu isto šaj isto te ikale pare karticaja. O najlokho način te ikave pare tane tari dučana so vikini pes ICA.

2 - 08

Tu šaj isto te ikale pare ko bankomati, ama na poviše taro duj putija ko masek.

Sastipe

3 - 01

Tu so rodeja azili ki Švedska, tut isi pravo ko bizo parengoro pregled ki jek ambulanta.

3 - 02

Ked ka pregledinen tut ka ovel tut šansa te kere lafi e doktorencar. Akala manuša našti te vakeren e Migaciakere zavodeske so ola ka šunen ko akava sistematsko pregled. Akava pregled i tano ko tlo interes hem naje te utičini ko to rodibe azili.

3 - 03

O čhave hem o terne so na pherdže 18 (deštofto) berš isi len pravo ko lekarsko pregled.

3 - 04

Ako tu sijan pobaro kotar 18 berš, tu isi tut pravo ko hitno pregledija. Jek doktori ka odlučini ako isi tut potreba taro hitno lečiba ili na.

3 - 05

Ako sikaveja tli LMA kartica tu ka platine najviše 50 krune bašo jek pregled.

3 - 06

Tu šaj de čine iljačija (lekija) ki apoteka. Ako tu valjani te kine o lekija ki recepka tegani tu platineja najviše 50 krune ako sikaveja ti LMA kartica.

3 - 07

Ko slučaj na opasnost, o telefoni 112. Akava tano jek broj kova so tu šaj te upotrebine ked ka mange te vikine ki policija, hitna pomoc (ambulanta) hem vatrogascija/požarna.

Dnevno boravko / Škola

5 - 01

O čhave hem o terne isi len pravo ki predškolsko, osnovna škola hem srednjo škola. Odoja opština kote so tu živineja tani odgovorno te del tut obrazovanje.

Smeštaj (than kote so ka živine)

6 - 01

Isi duj alternative dži kote tu adžičereja i odluka. Tu šaj korkori te arakhe tuke kote ka kher/stani kote ka beše sar na primer ki tli familjija ja tle amala so bešena ki Švedska ja palem...

6 - 02

... tu šaj te dobine privremeni smeštaj kotar Migraciakoro zavod. Ko akava slučaj tu našti te birine kote ka beše, ama ka valjani te seljine tut kote isi than so pasuini živibase.

6 - 03

Ked tu ka seljine tut ka dobine so valjani tuke kuhinjska buča hem posteljina sojibaske. Ako tut nane pare, tegani o stani tano bizo pare.

6 - 04

Tu ka beše ko jek stani ulavdo javere manušencar so rodona azili. Ako tu sijan džuvli so ali korkori tegani tu ka ulave o stani isto adžehare javere džuvljenca so ale korkori, ako tu sijan korkori alo murš tegani ka ulave javere muršencar so rodona azil.

6 - 05

Ki soba ka ovela osnovna buča so valjani na primer buča kujnakere, kreveti hem kujnsko astalji.

6 - 06

Ko stanija isi da automatsko alarmi bašo požar (ako thabljola diso ko stani tegani o alarmi pištini) hem ko svako stani isi požareski čeba ačhavibaske požar.

6 - 07

Ako tano jek hitno slučaj, sar na primer ako isi požar ja palem nasvaljilan taro disavo opasno bolest taro jekhfara, tegani valjani te vikine ko 112 da bi te šaj so posigate te dobine pomoč tari požarna, ambulanta ja tari policija.

Te irandže tut ki tli phuv (ako našti te ačhove ki Švedska)

7 - 01

Ako tu našti te ačhoven ki Švedska tegani e Migraciakoro zavodi ka vičini tut ko jek sastanko da bi te planirinen sar tu ka irane tut čhere. Ko odova sastanko tu ka dobine informacija ama hem ka šaj te postavine pučiba.

7 - 02

Tu šaj te dobine pomoč te irane tut čhere taro e Migraciakoro zavodi. Savetujba ja palem kontakti e organizaciencar kotar odoja phuv so tu aveja ola šaj te den tut pomoč hem podrška ked ka irane tut čhere.

7 - 03

Angleder tu te ikljove te dža tuke tari Švedska, tu ka valjani te irane i LMA kartica hem e parengiri kartica.

7 - 04

Ako na mangeja tu namangeja te dža tuke dobrovoljno, tegani i policija ka dikhel da bi tu te napustine i Švedska.

Te spoine tut te familijaja

8 - 01

Ako tu dobindžan te ačhove ki Švedska za stalno, tegani šaj tli familija te rodel te spoinen tumen ki Švedska. Ola šaj te bičhave rodibe tari odoja phuv kote so ola trenutno živinena, ja palem tari Švedsko ambasada ili tari e Migraciakiri interneteskiri stranica.

8 - 02

Samo odola soj tane ki tli "najpaše familija" isi olen pravo te roden za spoinenpes. Sar najpaše familija vakerela pes o dad, daj hem o čhave olengere soj tane potikne taro 18 berš. Sa o javera jeri ka šaj te roden spoibe aki odova samo ko disave posebna uslovija.

8 - 03

Ked i familija rodela spoibe tegani valjani ola te dokažinen plo identiteti. Akava značini so ola ka sikaven jek važečko pasoši ja palem disavo asavko lično dokumenti so dokažini koj tane ola.

8 - 04

Ma bistre te de sa o detalija baši tli familija ko tlo aziljsko baranje. Akava tano but važno ako tu mangeja te ove olencar ponodori.